

中興鼓吹

15-7-5

15-7-5

中

興

鼓

吹

張敬在圖書季社二卷二期內的刊介紹詞是：

……：極應震發高歌，醒聵聵之視聽，故鄭衛之淫佚，以爲風氣之倡，庶幾撥亂反正有補於時。中興鼓吹卽爲此而作耳。……：感情激勵，非同凡響俗韻，以靡麗相尙者也。……：可見其立意之大概，在能一掃纖麗，不事斧鑿，爲洗凡豔，而別開旗鼓。

郭沫若在民族形式商兌一文中也提到：

……：用鼓詞，彈詞，民歌，章回體小說，來寫抗日的內容固好，用五言，七言，長短句，四六體來寫抗日的內容亦未嘗不可。例如張一鵬老先生的許多關於抗戰的絕句詩，盧冀野先生的中興鼓吹集裏面的好些抗戰詞，我們讀了同樣發生欽佩而受鼓勵。……：——二十九年五月三十一日大公報星期論文

錦公在南副第七、四期中特別推薦這一本書：

……：中興鼓吹是一部舊詞曲，也不會爲許多新文學家在集子前標榜抗戰的主張。他是老老實實地表現他的情感，表現他對抗戰的認識，表現他對抗戰的理論，表現他在抗戰中所感受的痛苦及反抗。中興鼓吹不會宣傳他如何實踐抗戰文獻的任務，可見他所表現的便是有力，有血，有淚，又有希望。……

——成烈南京早報。

中興鼓吹題語

歐陽漸 竟無

詞作蘇辛體，句硬而難醇，語熟而難新，何也？硬句以鬱結出之，又無不醇，熟語而現前用之，乃無不新，何也？不真不誠，不能動人，真誠所至，攸往咸宜也，然則能詞不必限於詞，亦不限於詞客歟？盧君鼓吹，悲憤雄豪，心念國恥未雪，詞唯蘇辛體，乃足興起，吾知其已得鹽珠矣，而不知其詞境若何，雖然，吾不知詞，吾謂能詞者必若是也已。

昔有一羣人，深夜度曠野，行經淡泊路，懼曠野鬼出祟，衣毛悉豐，舉身顫動不堪步，中有一人大聲疾呼，大膽向前去，一羣人應聲疾呼，皆大聲疾呼，且行目號，須臾出險，昔少時與友肩試院，交卷至門，不得行，乃聚六七人齊聲疾槌扉，闔者應聲至，僞啓，蜂擁出門矣，誦楞嚴咒一聲，迦吒補丹那，而奇臭小鬼，應聲走不及，疾雷裂空，酣沈噩夢者，應聲而清醒，得未曾有，臨濟一聲喝到，應聲而三日耳聾，逞能野心勃勃，光音天一聲響到，應聲而魂悸失度者三月，由是充無穿窬之心，而義不可勝用也，冀野中興鼓吹，意在斯夫，意在斯夫，奇哉詞人，蘇辛自寫其抑鬱不平之氣

，冀野方便，即用是鼓吹也。

作蘇辛詞第一要膽大，俯視一切，敢發大言，第二掛書袋子，開口閉口總是吃現成，第三情摯，一肚子不合時宜，不堪久鬱，不管是非，噴薄而出之，河山沈痛，身世蒼茫，又在三者之外，冀野能詞，已於初一桃得三昧矣。

予過時失學，不能文不敢強作解人，國家多難，鬼蜮罔極，他日會言安得夏聲警狂溺，然愧不能亦不暇，今龍榆生爲夏聲主，盧冀野大鼓大吹，不可謂國無人，望不易副。昔者南宋之有聲也，朱晦菴張敬夫以誠意正心之學鳴，而辛稼軒劉改之諸人則一倚聲於詞，予致力內學，猶晦菴等，復與冀野榆生周旋，非稼軒堂上有朱張迹耶，而冀野鼓吹，遂欲強予饒舌，豈知予乃不能，雖然誰似東坡老，能詞能詩能文能書畫能政事，却復參澈禪心，出語可人意耶，天下無成人，合一材一藝之多身，作多材多藝之一身，庶幾哉五明大菩薩三十二應身也，吾於冀野鼓吹，亦勉以周旋之意而已矣。

中興鼓吹總目

卷一

詞五十四首

卷二

詞五十八首

卷三

詞四十九首

卷四

詞四十四首



作者像 英國Cecil Beaton攝
見Chinese Album P.54.

中興鼓吹卷一

金陵盧

中興樂

代序


漸覺摩胸劍氣沉，問誰肯作狂吟，辛劉語，冷落到而今。

新詞鼓吹中興樂，雄風託

滿江紅

送往古北口者

如此乾坤，當慷慨悲歌以死，君不見胡塵滿目，殘山賸水，萬里投荒關塞黑，幾家子弟揮戈起，問江淮若箇是男兒，無餘子。且按劍，從新誓，豈肯酒，英雄淚，縱天眞亡我，死而已矣，叱咤風雲驚四海，憑君一洗彌天恥，細思量三十九年前，傷心



(南)

事。甲午年去今
且四十年矣

最受軍訓諸生

一息尙存，應未忘匹夫之責，天下事危如累卵，萬千苦厄，患難迫人當大任，鞠躬盡瘁，吾何惜，看中吳當日小周郎，匡時策。盡汝力，完天職，心不死，血終熱，念江山信美，舊時蹤跡，嘗膽臥薪師勾踐，冲天奮翼憐蕭特，烈士美利堅人爲我赴義死補金甌誓我十年期，書諸褶。

滿江紅

告大刀

刀汝寧忘，古北口舊時威力，人盡說青龍十八，能摧強敵，奮勇不知身近遠，一揮已見鰲腥碧，更相期還我舊山河，驅鋒鏑。纔醒眼，成陳迹，從此後，無消息，竟坐令英名，廢於一日，誰使回頭還自殺，然箕煮豆鍋中泣，汝原知枝葉本根同，煎何急

滿江紅

敬次岳忠武黃鶴樓詞韻

眼底全非，嗟何處舊時城郭。更難忘水深火熱，五年耽擱，山海關前風雪湧，石頭城裏弦歌作，待憑誰收復好江山，鋤元惡。有張禹，無霜鏢，有伊尹，藏巖壑，任分崩離析，疆圉荒落，天使吾徒空碌碌，縉屨歷盡還京洛，看拋家遊子不能歸，遼陽鶴。

滿江紅

讀史有感再次前韻

唐室中興，吾長念當年李郭，眼前惟包羞降虜，懷慚投閣，將相雄才當世少，乾坤正氣憑誰作，笑談間鼙鼓早收京，除姦惡，吾勇士，拚鋒鏑，吾志士，在溝壑，願疾呼而起，敵心驚落，安史紇蕃何足懼，王師早已陳河洛，豈貪圖十萬繫腰錢，揚州鶴。

中興鼓吹

四

水調歌頭

君左集民族英雄故事勵士氣

說與諸年少，涕淚早滂沱，吳山立馬相待，劍影共婆娑，千古英靈不昧，一點丹心不滅，前進莫延俄，不見梅花嶺，俠骨九原多。惟壯士，弔雄鬼，更高歌，指劉侯樹，擊韓王鼓，收拾舊山河，皆書中所述故事留取人間正氣，不負平生師友，一挽魯陽戈，行矣諸年少，頑虜奈吾何。

少年游

與衡叔夜話

記牽羖鹿上蘇臺，游苑委蒿萊，遼鶴東歸，薊雲北望，金鎖竟沉埋。誰知不世淒涼事，又到眼前來，燕處燔堂，魚游沸鼎，祇此已堪哀。

臨江仙

方密之江天曉霧圖

龍瀾山河春欲盡，眼中無復西東，未能收拾苦匆匆，炮莊先托鉢，藥地入天雄。
密之出家
天雄寺著有藥地炮莊援釋解莊子
咫尺畫圖重認取，依然粉碎虛空，人間恨事古今同，情知落墨處，淚與一般濃。

臨江仙

讀劍南詩稿

一髮青山愁萬種，干戈尙滿南東，幾時纔見九州同，縱教空世事，世事豈成空。胡馬窺江陳組練，有人虎帳從容，王師江上鎮相逢，九原翁應恨，世上少豪雄。

浣溪沙

一月二十九日

夜半傳聞調戍兵，居然不與結城盟，前頭開北已分明。砲火沸騰羣衆血，槍聲激動

萬家情，仰天一笑淚縱橫。

浣溪沙

三月三日

叩馬書生語若何，東窗細雨晞來多，我師昨夜渡瀏河。四盡到頭知不取，六如破膽已成和，南天關險好經過。

木蘭花慢

嘉靖三十三年四月倭寇猝至崑山由三江口薄東關邑令堅守寇不得逞轉攻西關垂破矣忽有一老父進曰以沸桐油從月城隙下之可擒如其言果大破賊其後有過卜將軍祠者睨其像則西關老父也案卜名珍字文超唐時西河人今年四月余來游縣長江右彭百川爲言其事感而詠之

過關人怪問，此老父是耶非，想生是英豪，死爲雄鬼，不媿神祇。當時事今未見，但窺江湖馬疾如飛，只道和戎無奈，偷營有計誰奇。書生咄咄淚沾衣，報國願終違，

對江上安亭，霞川堂中素履，亭林遺物。慕草離離，知己若逢地下，說人間近事更堪悲，約與使君明日，虔誠先拜靈祠。

木蘭花慢

苗子至偕飲馬回回家詞以贈別

阿黃吾弟畜，一掉臂出南州，算同學少年，軒眉怒目，肥馬輕裘，登高處誰識汝，祇眼中無物是曹劉，風景未殊異代，山川早染新愁。消憂且上酒家樓，好句弟先酬，待說與村傭，留宿素壁，莫便歸休，海隅有人問我，道近來狂飲尙如牛，何事令吾能喜，除非日落東頭。

減字木蘭花

贈劉寶全先一夕聽奏博望坡鼓詞

白頭人在，歲晚相逢風雪外，行理匆匆，烽火年年照海東。長歌博望，虎鬥龍爭成絕唱，檀板零丁，又見人間柳敬亭。

減字木蘭花

寶全言亡友莊景周事記之以詞景周別號知非子

譚喉汪齒，一部梨園興廢史，白髮欲王，爲我從頭述教坊。未慚死友，說到知非纔住口，四十年來，誰識詞壇有霸才。

荷葉盃

簾外

簾外霧烟籠月，嗚咽，最是暮潮生，浪花從此暗吞聲，夜夜繞孤城。幾箇隔江商女，如許，猶唱後庭花，休將流水勸棲鴉，明日又天涯。

江城子

喜中敏北歸之訊

壯夫坐守五羊城，聽笳鳴，定心驚，赤手空拳，誓欲斬長鯨，知有男兒三百兆，年正少，盡雄兵。融鑪江上不分明，鎖初沉，悄邊聲，相見何時江左始中興，便算文章

能報國，應草檄，討蠻荆。

賀新郎

馬客談自海西歸言近事甚悉時亞卑西尼亞方受制於義大利瀛客歸槎處，莽蒼蒼揚塵滄海，魚龍掀舞，聞道亞卑丸彈地，不受他人駕馭，任墨相耽耽如虎，血食祖宗甯敢忘，果成仁就義誰能侮，衛社稷安吾土。酒邊初聽堂皇語，獨回頭舊生感慨，傷心終古，忍辱包羞多少事，事事都成錯誤，從此後中原何主，不論豺狼狐兔，競一時馳騁神州路，西望亞淚如雨。

雨中花

亞卑西尼亞既敗亞王出走矣

捲土重來知可俟，論勝敗兵家常事，願再整貔貅，一新壁壘，無忘從前誓，亞王誓師之歌曰我等爲獅王之子孫兮爲戰爭而生，存將碎敵人之戶兮以飼鷹隼，接厲還教天下視，豈自餒萬千英氣，應備壺漿，來迎車騎，早報收京喜。

中興鼓吹

一〇

桂殿秋

過虹口

銜落日，照營門，垂楊十里竟無存，東風日日吹青草，未到清明已斷魂。

沁園春

玄武湖晨與東野攜侃兒游

幾日商量，且自拋書，向湖上來，趁拂涼初曉，朝陽未起，飛輪奔走，如挾風雷，弟謂晴湖，晨游最好，百畝蓮花一夜開，出城後，果碧荷滿眼，錦繡千堆。當年我寓南齋，記日日來游不計回，對雞鳴古寺，飲天廢閣，沉思往事，但覺傷懷，招手扁舟，一時容與，小飲何妨借酒盃。兒無忘，倘東頭日出，汝莫徘徊。

太常引

拚塢螻蟻敢言兵，一穴尙紛爭，衆志始成城，都不解江河已傾，欲憑隻手，狂瀾挽起，此願負平生，大鳥止玉庭，何必待三年後鳴。

鷓鴣天

江小鶴招游靈谷寺遂至孝陵

陵谷千年幾暮鴉，人王佛子兩無家，舊時綠鬢驚華髮，今日紅梅傍菜花。
初月上，晚烟斜，眼中老樹尙欹桮，丈夫敢忘功名事，肯向東陵學種瓜。

鷓鴣天

喜佛千自西北歸

弱宋強唐仗一關，終南山下卽長安，飛場跋扈人何在，痛飲狂歌汝已還。
燭影盪，酒盃寒，相將今夕更憑闌，望中應惜西湖好，不作開天亂後看。

鷓鴣天

送別章柱

浮海迢迢豈所期，歸求諸已得餘師，離懷潭水難爲喻，高詠楊花尙有辭。
千萬語，兩三卮，壺中消息幾人知，蓬萊此去眞成別，惆悵河梁蘇李詩。

鷓鴣天

二十四年除夕

換却桃符對一盃，無端悲憤上心來，萬言縱有平戎策，三箭終難奏凱回。爭議論，互猜疑，恩牛怨李費安排，明朝應被滄除盡，莫似今年百事乖。

好事近

二十五年元日

迎歲受新生，迎得一天風雪，不愛雪花翻舞，愛雪光瑩澈，被人羞辱已多時，耿耿恨難滅，雪恥今年可待，覺此心先熱。

點絳脣

視繩弟軍中

烈日燒空，柳陰多少閒人語，清涼如許，未忍消停住。密布濃雲，應作傾天雨，通光路，我來覩汝，柳葉軒軒舞。

點絳脣

讀留侯世家

博浪一椎，何嘗欲殺秦皇帝，當初眼裏，祇有韓而已。亡命下邳，炎漢因之起，傷心地，徘徊故里，應悔私劉季。

點絳脣

雨中過岳墓撫古柏

柏已參天，千年還傍君侯墓，艱難國步，誰向君侯訴。欲乞侯威，下拜精忠樹，風雷怒，一時大霧，隔斷門前路。

點絳脣

聞綏警書憤

無降將軍，衝冠一怒安吾土，戰旗開處，戰士皆歡舞。慷慨而前，壯氣吞雄虎，堂堂去，吾何懼汝，藐爾穿牆鼠。

點絳脣

招西北之魂

一髮江南，笛聲吹老愁懷抱，柳絲環繞，飛絮知多少？
靈廟，連天衰草，塞上風光好。
願汝歸來，願汝歸來早，百

點絳脣

百靈廟既收復更招東北之魂

鴨綠潮寒，奔流不盡酸辛淚，雄關衣被，尺寸傷心地。
沉睡，白山黑水，我欲呼之起。
一別遼陽，五度春秋矣，沉

謁金門

爲蒙古少年格君作

歸不得，歸也可知何日，草底牛羊關塞黑，東風吹夢隔。
相識，拍徧闌干寒惻惻，天涯腸斷客。
見說浮雲西北，不見舊時

浪淘沙

海上除夕口號

此夕喜重逢，爆竹聲中，街頭處處映霓虹，二十五年拋撇了，過眼匆匆。來歲不相同，發憤爲雄，回頭還欲語東風，從此崢嶸休撼樹，樹已凌空。

沁園春

論詞示夢野

弟學詞乎，今日而言，豈同曩時，算花間綺語，徒然喪志，後來柳賀，搔首弄姿，歎老嗟貧，流連光景，孤負如椽筆一枝，自南渡，始天生辛陸，大放厥辭。於戲逝者如斯，念轉益多師吾所師，便白石揚州，遺山并水，豪情逸興，併作雄奇，天下興亡，匹夫責在，我輩文章信有之，如何可，爲他人抒寫，兒女相思。

沁園春

伯鷹投詩有血戰文壇亦一奇之語因廣其意以報

欲問東坡，人海一身，其何可藏？想平生抱負，使君與操，幾親戎馬，猶復登壇，氣奪三軍，才吞五嶽，豈惜譏彈盛孝章，凌雲筆，如萬流奔赴，推倒瞿塘。古人莫笑余狂，看鶯日文場今戰場，便揮毫掃蕩，已成鬥士，或誹李杜，或薄蘇黃，直廢周秦，無論漢魏，不是吾儕執主張，三千載，祇精靈未泯，尙吐光芒。

采桑子

立春

案此首寓
喻感時事

纔從雪後消寒意，不見昏鴉，只見梅花，漸見衰楊發嫩芽。何須袖手窗前立，過盡風沙，料理生涯，便覺春光到我家。

摸魚子

題史督部絕筆家書後

是何人手澤如此，斑斑淚也還血，雖然和墨無多語，落筆盡成嗚咽，心似鐵，情怎絕，所難忠孝兩無缺，國讎未滅，祇飲恨吞聲，與城共命，先不負臣節。揚州路，剩有梅花勝雪，登臨多少詞客，縱教解得萇弘碧，誰識孤懷芳烈，空悲切，東廠獄恩師當日丁寧說，千回百折，讓一紙流傳，相逢異世，催我羽音發。

臨江仙

二月十日示侃兒二首

阿侃今朝都十歲，驚心我入中年，堂前老母笑而言，當時兒性劣，最是太婆憐。兒亦有兒還肖父，願他比父猶賢，文章不值一文錢，父書汝莫讀，汝祖已云然。

先君南樓雜詠

有生子當如李亞子胡爲一讀乃翁書之句

阿侃何知天下事，已如不繫之船，做人今後勇爲先，艱難容百忍，担負仗雙肩。紙

上談兵終可笑，成功豈在多言，休嫌赤手與空拳，從來窮則變，立志要能堅。

減字木蘭花

朱錦江畫大明湖寒操屬題其上

鐵公祠在，一角斜陽煙柳外，十里晴波，水上風來爽氣多。昔年憑軾，對此明湖無箇字，寫入丹青，閱盡興亡歷下亭。

婆羅門引

喜黃紹庭至

載書入峽，重陽時節到成都，七年一夢還如，難得茅苔村酒，能飲幾杯無，記浣花溪上，萬里橋隔。歸來故居，二三子信音疏，今日敲門過我，把臂歡呼，追尋往跡，笑何事先生未蓄鬚，天有意，不老吾徒。

予年二十三始蓄鬚南歸以後雍之不復鬚鬣者久矣

南鄉子

照鏡感賦

秋葉漸凋零，每望春華感不勝，冷眼看人青鏡在，分明，白了青青又幾莖。意氣總難平，但覺詩書誤半生，已是中年應割斷，柔情，肯作嗟貧歎老聲。

鷓鴣天

出門

十字街頭立足難，出門未覺世塗寬，去留不盡躊躇苦，左右都成罪惡觀。荊棘裏，豈能安，明知艱險一盤桓，男兒要有剛強氣，肯便隨人掉首還。

鷓鴣天

村居作

世局如棋自在看，懷中有劍不須彈，能爲狂士終豪傑，豈必才人盡達官。傾濁酒，坐蒲團，布袍大袖本來寬，十年管徧江湖味，縱使無魚也可餐。

鷓鴣天

講席示朱幡

春意於今透幾分，相看猶喜得閑身，賞心花事騰騰裏，滿眼風光日日新。
詩思澀，酒盃勤，少年龍馬是精神，字書到底無難字，纔覺拿翁最可人。

鷓鴣天

頤蒨秀君手冊

奇俠當年亦豔粧，零脂殘粉未能芳，桃花馬上秦良玉，楊柳橋邊聶隱娘。
劍生光，天人不數狀頭黃，秀君若問今何日，兒女風雲正出場。
刀脫鞘，

鷓鴣天

黃達雲駐防徐海招游

高峙彭城戲馬臺，當時仗策幾徘徊，也知劉備饒英氣，未許曹瞞論霸才。
等塵埃，門前芳草有餘哀，四年夢落徐州道，且爲將軍一去來。
成與敗，

鷓鴣天

北湖偕達雲游

北面鍾山一髮青，綠楊迴抱古臺城，湖山合有豪雄氣，林木時聞剝啄聲。
暮潮生，踏歌堤上女郎行，休將玉樹南朝曲，唱與潭州宿將聽。春夢遠，

鷓鴣天

羅小梅寄梅子也

壯歲還如葉滿枝，新苞含蕊是兒時，前頭纔有青青意，轉眼頓成裊裊絲。
試思之，小梅猶復嫩芽姿，東塗西抹都奇趣，一箇羅家小畫師。橋下柳，

鷓鴣天

聞洙若歸國不相見已十餘年

張祿辭家變姓名，烏樓擦鼻淚縱橫，安排歸骨埋諸夏，慷慨題詩付友生。
喻心情，十年亡命髮星星，回頭萬里河梁上，投筆知君定請纓。蘇李別，

破陣子

寄達雲軍中

羊海衛前破敵，夜壺陣裏奇兵，說到南唐當日事，絕似州古北營，橫戈馬上行。
威繼光止

止堂詩有云一年三百六十日多是橫戈馬上行 又是一年過了，幾時纔出長城，蟻聚蜂屯關塞黑，緩帶將軍涕泗

橫，可憐壯士情。
達雲戍南天門詩云南天久戍寂無聲此夜唧唧收襲敵營壯士可能收古北莫教殘敵度長城

水調歌頭

右任先生今年六十中國公學諸生稱觴以祝卽席致辭語至可味爰櫛括
入詞俾開國佳話流傳久遠兼寄先生以爲壽

猶願供鞭策，自視尙如牛，但知耕種，不許春稼與秋收，三十年來飄蕩，幾萬里程奔走，辛苦果何求，爲解蒼生困，還我舊神州。聞此語，思奮發，有吾儕，掀髯一笑，或許年少可同謀，收拾邊氛事了，整頓炎黃家業，未雨待綢繆，異日公稀壽，高會勝棋樓。
樓在莫愁湖上爲中山王建也

中興鼓吹卷二

金陵盧 前冀野

水調歌頌

七月八日得宛平之警

電訊忽宵至，不覺裂雙眸，信中傳語，殘敵一隊襲盧溝，直北此時危急，火燄已然眉睫，如箭在弦頭，何以消吾恨，不共戴天仇。一鳩所占，狼所噬，鼠還偷，千奇百怪敬貌，鑄鼎總難收，聞道冷齋老子，宛平縣長王君願與此橋同命，忠勇足千秋，明日廣安道，我亦有戈矛。

鵲踏枝

讀報知北平危矣

忍與輿圖終日對，指點豐台，猛憶西山翠，除却酸辛無別味，教入北望添顛顚。衆醒於今憐獨醉，滿地江湖，總是流離淚，嗟好風來分向背，葵花汝有羞心未。

鵲踏枝

二十八日喜聞豐台廊坊之捷

聞道豐台收復得，血不零流，洶涌纔今日，炙我驕陽爐火熱，幾年苦悶填肝膽。亭
午忽然傳信息，日已無光，風掃雲如墨，山雨來時君應識，從教洗出炎黃色。

西江月

喜收復通縣通自二十四年十一月二十五日爲賊所據者二十

月又三日

久矣不知日月，今朝重睹青天，懸知歡躍我軍前，高舉國旗一面。爭說睡獅醒了，
金甌殘缺將全，吼聲震動白山間，收淚出關相見。

百字令

弔趙登禹將軍

盧溝橋下，聽一聲口號，衝鋒前去，捲地風沙刀過處，殘敵頭顱飛雨，驛場空闊，仰

天大笑，快意哉登禹，男兒死耳，男兒死必如許。一鼓再鼓而前，至於三四，壯氣凌今古，贏得創傷千百孔，爲國開條血路，所恨孤身，難兼忠孝，抱憾惟慈母，將軍往矣，問誰踏接君步。

百字令

讀馮玉祥悼修趙辭復爲輓章弔修麟閣將軍

將軍亦基督教徒

備嘗艱苦，在練兵當日，憤然而作，二十六年多少恨，將軍從戎自民國元年始只恨吾民溝壑，西來頑寇，鐵蹄所至，無不窮其虐，人間地獄，幾回默誦新約。我祝永久和平，我懷博愛，我願先鋤惡，勇士喪元原不忘，犧牲以求復活，上帝鑒余，式憑忠勇，與敵還相搏，裏君馬革，他時畫像麟閣。

百字令

喜白健生將軍入京

暴風雨裏，忽飛將軍降，共參帷幄，並轡聯鑣皆衛霍，試看長城新築，一心一德，一

同一致，勝負吾能卜，顰眉掃盡，早中興，我民族。聞道手理西南，十年生聚，食足先兵足，雖有礎基時未至，今日始言恢復，忍辱包羞，像防亡楚，恥作秦庭哭，河山還我，事非公等誰屬。

浣溪沙

願君

七尺昂藏一少年，舉頭日日望青天，胸中有恨不能言。采玉章須憑血染，軍人魂尙在腰懸，願君名氏勒燕然。

浣溪沙

八月十三日敵復犯我上海

海沸天崩豁積薪，轟然排炮怒如雷，我軍突起敵軍摧。八字橋頭膽已裂，天通庵口骨揚灰，六年前地一來回。不辨雷聲與砲聲，沉沉四座各心驚，有人議論獨縱橫。點卷漸迷滿紙黑，窺窗纔覺一天青，飛輪戛軋繞樓生。

浣溪沙

黃浦江上空軍之戰

小艦胡然號出雲，我軍纔是出雲軍，飛來飛往盡天神。仰視輪機周碧落，平看日色近黃昏，白青兩翼勇無倫。

喝火令

任雲閣梁鴻雲二戰士相繼身殉

李廣眞飛將，汪錡竟國殤，致哀吾乃爲任梁，今日名標黃浦，千載永流芳。恨不生雙翼，追隨天一方，坐看烟滅與灰揚，旦夕相期，掃蕩出雲航，拭眼西邊雲起，銀鉞正高翔。

卜算子

過宜興見所擊落敵機田中

縱目太湖邊，斷翼東疇裏，陌上行人繞作圍，拍手皆歡喜。旂色尙分明，界影斜陽

際，顓武從來此下場，一蹶難重起。

滿江紅

丁丑聖誕作

聖德云何，忠與恕聖之綱目，豈有以施於人者，已焉不欲，諸夏狄夷猶未辨，行之何以尊中國，敢自詡王道侮先師，斯文辱。敢誣蔑，斷章讀，敢假借，冠而沐，試徧尋經籍，勤王相屬，暴虎馮河由也勇，執戈社稷汪跼獨，訂春秋大義託微言，應三復。

滿江紅

九月七日閻海文死事

蔽日拿雲，君不見中華飛將，冒九死一身當敵，扶搖直上，俛視山河皆我有，萬年堅壁旌旗壯，是自家臥榻那容人，眠酣暢。閻典史，留榜樣，閻烈士，真好漢，看兩閻忠勇，後先相望，報國志酬身可死，健兒豈飲仇讎彈，寫千秋炯炯寸心丹，高聲唱。

滿江紅

空軍三勇士 劉粹剛高志航樂以琴也

董婦知名，指天上三條好漢，掃敵處疾如飛雪，萬頭攢看，纔識劉郎豪俊氣，果然百鍊錘爐炭，伴漸離不擊筑而歌，心香瓣。平旦出，綵雲幻，薄暮出，星光燦，祇朝朝暮暮，天河閒泛，還與殷勤樂正子，自由出沒雲霄轉，敵機來一見膽心寒，回頭竄。

滿江紅

聞張仲老倡老子軍抗倭議

老子婆婆，塵袖底青蛇幾尺，誓不與此仇同列，戴天同立，馬上伏波何鑿鑿，廉頗健飯誰能識，率吳閭白面勇兒郎，滅朝食。倭寇耳，非所敵，大小范，都堪憶，把甲兵十萬，蟠羅胸臆，今日編成常備隊，明年痛飲東京驛，莫羞慚少壯不如人，新生力。

滿江紅

寶山之役

斗大孤城，竟一日化爲碧血，今又見田橫忠義，張巡節烈，六百士當千萬敵，出身入死，吳淞缺，聽子香奮臂一聲呼，君休怯。彈已盡，槍雖折，頭未斷，心還熱，況此城與我，存亡關切，有我不能寸土失，要知吾土堅如鐵，載姚營他日中書存，歌先發。

烏夜啼

上海陷工人楊劍萍之死

擊樓死者何人，一貧民，祇爲羞看驕虜過江濱。雙淚竭，背已裂，且輕身，願以自家鮮血洗創痕。

滿江紅

斧頤

王禹莊少將言前方巷戰已易刀爲斧所至輒勝余嘗頤大刀之威於斧亦不可無詞

狹路相逢，問出手燦然何物，依舊似大刀英武，神威無獨，斧也闢開新戰線，倭兒見者吞聲哭，但落頭如草不聞聲，堆成簇。前隊上，後相續，仇易盡，心難足，念丈夫本色，包羞忍辱，到此纔酬卅載恨，運斤還羨風來速，是誰家手法有真傳，真圓熟。

又

蟹

蟹汝來前，憐汝竟登盤脩酒，聽郭索幾聲河畔，北游南走，祇料橫行空一世，無腸終落他人手，聚燈前坐客享烹鮮，笑開口，肢已裂，顏何醜，蟹已斷，聲何有，把火生釜底，汝纔消受，蠢蠢無知甘自侮，多行不義誰之咎，汝知否股鑑在今朝，酬重九

又

詠棉背心

予倩作山歌有云拿起綫來抽起針想起我前方作戰人不繡鴛鴦與蝴蝶替他作幾件棉背心又云一件一件的棉背心也表愛國一分情願身化作棉和絮與我戰士共寒溫余感其言詞以詠之

着意裝棉，手中線針針縫起，聞道是沙場霜重，夜涼如水，儼願化身成輓絮，寒溫與共秋風裏，箇兒郎爲國作干城，眞英士。我欲問，前方事，知推進，若千里，料禦寒送到，這包衣被，勇氣益增千百輩，鼓鼙還我山河美，是衣中縫就熱心腸，非棉耳。

又

半型關大捷

奏凱平型，明日定靈邱先復，知左翼團河傳檄，頑倭覆沒，況有中軍崢嶸在，東平一戰風摧竹，踢跌桑三島海東頭，都沉陸。看捷報，書盈幅，歡笑裏，從頭讀，喜右鋒甯武，雄威相續，指日朔州收拾盡，雁門關外燐倭骨，會王師三路察綏邊，安然出。

又

寄佛千東戰線

夜襲來時，小窗外一天明月，聞警報暗中辨識，解除緊急，風露全家餐已飽，流離白了慈親髮，論平生無畏歷多艱，吾何怯。身是在，心飛越，恥下淚，甘流血，雖千萬人在，吾能往也，鮑叔從知有老母，非期苟免先爲別，且濡毫鼓吹我中華，中興業

滿江紅

十月五日左崐之建破橋之功

對峙嚴濶，中有水盈盈相隔，聽說敵架橋河上，通東楊宅，爲間連中誰習水，破橋工作誰担得，曰唯唯左趙應聲來，承其責。砲火裏，守天黑，潮水漲，前窺測，幸功成容易，岸寬橋窄，從此渡河纔右顧，建卒不幸身遭厄，祇崐之歸後告於人，驚心魄。

滿江紅

謝晉元團附楊瑞符營長共死守閘北據點者八百士

尙有孤軍，留最後鮮紅一滴，準備着頭顱相抵，以吾易敵，蘊藻濱前鉦鼓動，蘇州河上旗旗色，看青天白日自飛揚，君應識。衆口誦，征倭檄，望閘北，兒童泣，問橋頭大廈，近來消息，萬國衣冠都下拜，千秋付與如椽筆，記張巡許遠守睢陽，今猶昔。

滿江紅

聞達雲已率所部上東戰綫矣

佛子書來，謂我友親提勁旅，昨日已陳師東線，氣雄於虎，古北威名天下重，江南殘敵囊中取，待前方捷報到于湖，盃高舉。如痛飲，黃龍府，破陣樂，添新譜，更招尋嘯傲，舊時遊侶，能賦兄猶辛棄疾，談兵弟媿陳同甫，恥和我豈似紹興年。應心許。

西江月

昨夢

幾日不聞戰訊，此心長覺懸懸，聽風聽雨總難眠，何況秋聲一片。昨夜夢遊東海，依稀又到幽燕，填然鼓作勇而前，掃敵乃如掣電。

西江月

聞傅作義守太原

堅守太原城者，涿州會議其人，此身誓與此城存，今日傅耶坐鎮。恨不血塗綏遠，

肯隨它去臨汾，吾言如是告倭聞，寶鼎從今敢問。

西江月

客有二首

客有歎於南宋，排金無敢言兵，吳山立馬氣縱橫，所以不亡者命。何似艱危今日，頑倭犯我無名，亦惟抗戰自更生，孰主議和曰倭。
客有感於明季，弘光畢竟庸夫，望風先自出南都，進退大家失據。何似艱危今日，吾民微禹其魚，孰受誰欲作前驅，衆口咸呼曰去。

柘枝引

詠大場二首宋無名氏將軍奉命之作嘗倚此調聲極壯厲

荷戈共向大場行，前列盡雄兵，目送斜陽下，旌旗影裏聽笳聲。
風雲捲送大場來，一路戰旗開，鐵甲珊珊動，倭兒遇者骨揚灰。

減字木蘭花

今從軍樂

江河之勢，誰了當前天下事，曉響澄清，却向沙場萬里行。堂堂七尺，悄立營門人未識，慷慨從戎，劍氣飛騰貫白虹。枕戈待旦，起舞初聞鷄引吭，吹角連營，羽檄猶傳夜點兵。撼山可圯，欲撼吾軍終不易，鎮壓邊圻，席捲倭酋得意歸。健兒身手，僕僕風塵牛馬走，肩起長槍，纔覺軍中意味長。夜來涼月，狹路遭逢兵力接，去去人人，盡掃倭奴不顧身。歸來飯熟，鼓腹都從壕裏出，修斧磨刀，準備明朝又一遭。可憐殘敵，隔海求援星火急，一鼓成擒，不待元戎苦費心。

風霆號令，那許中原夷狄盛，用李綱語環堵安居，一德同心寇必除。先還趙壁，整頓乾

坤憑自力，葦爾扶桑，江戶終教作戰場。

連檣排檣，對馬常磐何足數，絕頂神龍，讓我空軍第一功。灰飛烟滅，一炬出雲二

十節，招汝亡魂，送到狼山倭子墳。

王師北上，祭告丁甯兒無忘，老去猶雄，畢竟男兒陸放翁。
在手，枉讀詩書，累贅人間祇腐儒。

呼號奔走，開口不如兵

減字木蘭花

忖兒讀今從軍樂以未及女子請補二章

吾懷貞德，取義成仁無愧色，歷盡艱難，豈獨投軍女木蘭。

高名石砧，半壁西南賊

却步，大勇秦休，報了宗仇復國仇。

臨陣而作，有女英英都不弱，今日軍營，巾幗鬚眉並銳兵。

他年青中，壯烈精忠何

止此，多少秋聲，夜夜龍泉壁上鳴。

鑑湖女俠句

減字木蘭花

渡江赴無爲南望不勝庾信之悲

都忘小我，到處爲家無不可，艇子搖來，始覺江南大可哀。

蕪湖在望，火焰熊熊光

萬丈，切齒深深，益固同仇敵愾心。

滿庭芳

喜聞蕪湖收復訊

緒麓塵昏，陶塘柳暗，舊時風物依然，卻憐殘月，潒影照難圓，回望浮雲老樹，揮手處，零雨沈烟，憑誰問，一江流水，流轉是何年。初聞襟淚滿，猶疑夢寐，乍覺狂顛，但詩書漫卷，笑語窗前，落拓江湖未久，道今日還我山川，青春伴，收京可待，悲喜不成言。

採春慢

踏雨過王陸一逆旅陸一握手歎曰金陵之別豈意遂相見於此乎余感其言託詠垂柳次姜白石去汴陽時自度曲調依依之情殆過無不及焉

閒卻靈和，繫情碧浪，離枝都成飛絮，冷燕泥歸，荒江萍碎，零亂東風不語，過了清

明節，已三月，煙花誰主，故人今夕重逢，小樓深夜春雨。迢遞天南夢斷，吹酒旗十里，輝映金縷，翠幕輕遮，龍池在望，曼娜幾家兒女，空綰同心結，算只有游蜂無數，白李夭桃，相憐拋擲何處。

琵琶仙

答巽觀

何事殘鷗，不能忘錦片江南風月，春到多少花開，花前舊人別，愁損了樓陰柳葉，更誰惜幾枝啼血，望帝魂歸，巫雲夢冷，鶯燕消息。又還聽吹角空城，去迢遞東風漸無力，收拾一窗春雨，付傷心詞筆，偷減聲裏，移宮換羽，第四弦激盪悽切，指顧咫尺山河，竟成吳越。

定風波

喜日本學人鹿地亘來歸

早歲流亡變姓名，一揮淚卽掉頭行，暗裏浮歸上國，唯聽，雄師一吼萬山驚。島寇橫刀終不悟，何處，黃昏漸近夕陽生，試問何如共白日，咫尺，掃雲撥霧自然明。

中興鼓吹

四〇

臨江仙

漢口待張佛千至

邂逅于瀾纔幾日，眼中風景頓非，扁舟載我到無爲，死生何足計，老幼此心危。東
去西來良自苦，有時淚滿征衣，逢人不敢問兵機，收京如可待，先送一家歸。
遙指武昌城外雪，過江有箇人來，殺雞煮酒早安排，聽譚東戰線，笑口爲君開。
擲龍拿親眼見，豪情足傲吾儕，雄兵早晚渡長淮，定能行宿諾，奮臂與相偕。虎

鷓鴣天

關雨東婚筵席上作

却扇燈前對翠蛾，傾杯直欲捲黃河，十年兵馬心逾壯，萬里風埃鬢未皤。
同命鳥，定情歌，戎衣綠袖兩婆娑，今宵了得平生願，明日疆場再挽戈。

烏夜啼

丁樹本率民團克清豐

誰言白首丁公，是衰翁，南樂纔經克復下清豐。爲走卒，爲宰牧，建奇功，始信艱危時勢造英雄。

菩薩蠻

徐州北望

強兵堅守逾三月，百年深恨終須雪，東北望徐州，昂昂一舉頭。狂風吹落葉，飲盡仇讎血，鐵壁與銅牆，千秋此戰場。

南鄉子

別武漢遂至重慶

脚下大江橫，已是行時未忍行，只見龜蛇青兩點，亭亭，仰望行人若有情。何事苦西征，江自東流不住聲，爲道明年相見再，騰騰，逐漸雲根冉冉生。

甚處是西川，已上朝天渡口船，父老相逢猶識我，盧前，不入山城記七年。江海尙烽烟，共爲邦家策萬全，燦爛莊嚴行在所，欣然，願傍嘉陵受一廛。

虞美人

廢正月杪始登東川大道

柳絲牽引低眉客，眼底皆春色，資州西指陌阡橫，疑是江南三月踏青行。油油薺麥連雲起，綠盡添兵氣，將憑戰士勸加餐，休擬畫圖山水等閒看。

鷓鴣天

成都北校場訪達雲自武漢別後七月矣

旄鉞前頭揖長兄，十年重到錦官城，綸巾羽扇多奇策，風虎雲龍盡好兵。春水淥，白鷗生，江湖忠愛最關情，腐儒身世詩篇在，指日還期復兩京。

賀新郎

張適兮世希談昔年上海之役

誰識降魔手，驀相逢、匆行色，渡沱而後，百戰光榮歸抵掌，笑我馬牛空走，說海上當年馳驟，曾向廟行提一旅，抗烽塵與敵周旋久，停不住，懸河口。伸眉今夕燈前又，喜將軍依然年少，掛符於肘，熟讀六韜裨世用，驕虜終成芻狗，更無忘巴山詞友，待到收功償夙諾，問橫戈躍馬人來否，玄武外，一尊酒。

鷓鴣天

內江留柬適兮

大勇關黃

謂東達雲

我故人，桓侯今始認鄉親，三山古道空辭賦，丈八長矛供戰神。鍾

旱月，苦思君，知君愁對內江春，年來行在麻鞋破，祇恨儒冠累此身。

中興鼓吹

中興鼓吹卷三

金陵盧 前冀野

賀新涼

五月二十五日記事

久亦齊生死，便埋身一抔黃土，等閒閒耳，只惜未能將革裹，孤負平生豪氣，剩一點
丹心無昧，自此從容歸上界，信詩書沾溉垂危際，何苟免，我行矣。鋼薦過靈臺呼
起，戴吾頭斂魂收魄，又來人世，但覺眼前森鬼域，彈片槍痕而已，炸不了堅強意志
，以齒還牙終必報，肯投降屈服非人子，重誓約，洗茲恥。

采桑子

元夜中條軍中望月寄孫總司令蔚如郭原

中條山路團團夜，笳鼓聲中，燈火魚龍，照我酡顏分外紅。停盃且說三年事，感慨

無窮，百戰河東，恨不揮戈共總戎。

朝中措

鄭州偕孫總司令蔭亭巡視河上作

征衣依舊浼塵多，今日上黃河，眼底波濤浩渺，望中山勢巍峨。與君相約，一呼北渡，萬騎飛過，來歲金梁重見，揮毫爲譜鐃歌。

齊天樂

二十九年三月于役老河口李德鄰將軍招飲秦村席上賦示第

五戰區諸友

樊襄千古英雄氣，征衣早迎東路，落照中條，凝烟宛洛，旗擁青山無數，匆匆鉦鼓，過光化嚴城，暫時停駐，一角秦村，小窗殘晷晚來語。台莊前事記取，突圍飛萬騎，呼嘯歸去，勝概如虹，精忠貫日，都是風雲兒女，三年內渡，寫重遇臨淮，酒邊深訴，不待聞鷄，只教琨起舞。

醜奴兒

聞湘北三捷喜而不寐

汨羅江上橫天塹，一捷長沙，再捷長沙，三捷長沙不自誇。歌繞喚起中秋月，照見君家，又見君家，薛字軍旂出海涯。

水調歌頭

壬午生日用香宋韻

四度見花發，今日又春風，天涯依舊羈旅，照影月冥濛，燈底兒曹拜我，樓外江山笑客，未老已成翁，三十七年事，都付捥髯中。塵生甑，耕此硯，不如農，近來夢也難做，那復辨西東，何以爲君權祝，妻自無釵可拔，但指酒尊空，貧亦殘僧分，且撞佛堂鐘。

木蘭花慢

與公遐別久矣頃相見中白沙示北磻道中所爲詞有風吹楊柳波成碧水映桃花影亦紅之語余甚愛誦之時公遐方練兵合江

以檢閱來也

大觀山下路，一握手故人來，有鼓角旌旗，貔貅在望，呼嘯登臺，江南北親點檢，話近時蹤跡，指芒鞋，楊柳迎風弄碧，桃花映水初開。安拚，壓陣走湘淮，掃敵捲風雷。應不負平生，綺情壯思，併出新裁，自具王家將略，便躊躇顧盼亦雄哉，像計功成可必，凱歌還屬吾儕。

臨江仙

三十一年七月七日作

天上鵲橋兒女事，人間但說盧溝，當年於此啓戈矛，斑斑留血債，種種記仇讎。星火燎洞閒戲弄，算來五度春秋，要看來日整金甌，黃河鳴咽水，流到海東頭。劍弩到時還一發，梟除鼠子元凶，卽今花發大場紅，重來終有日，子弟盡英雄。三戰長沙應未忘，揅濤挾浪而東，爭從龍虎一江風，豈徒規半壁，定使九州同。極目嶺雲猶蹇蹇，珠江日夜何聲，王師一旦下羊城，台旒歸故土，不獨復思明。漳國勛勞千古壯，楚弓楚得能名，好憑頸血滌羶腥，南強方足恃，海上出奇兵。

師出仰光寒敵膽，揚威薩爾溫江，能摧強暴卽沙場，微華無正義，忠勇示盟邦。勝
祭在操今已再。去年十二月八日前我抗戰已達勝期後此卽同盟國共同作戰之日也 陸沉第一扶桑，幾回西望海茫茫，築
城高萬丈，共受德倭降。

採春慢

蜀中憶北巡之樂次白石韻

持節初過，叩關徑出，東風吹輪原野，奪眼黃河，流天大月，曾記茅津上馬，太息兵
間走，問何意容君抒寫，中條千古山川，笳鼓聲裏閑話。還似當時洛水，驚景物漸
非，杯酒重把，玉殿虛無，銅駝荊棘，縱是好春難冶，迤邐荊襄路，載滿鬢緇塵南下
，肯自思量，梨花開又今夜。

好事近

過桂林達雲遊遊相思江畔之李家村宿軍校明日爲學員講話
後留題山壁

江上李家村，故壘路人能識，談罷松坡遺事，望銅屏山色。三千子弟盡豪英，吹角

度晨夕，今日黃侯留我，掃廐間苔迹。

南歌子

予過嶺詩云拋却南雄過嶺來望中嶺北嶺南梅梅花自具忠貞骨不到深寒不肯開閩海詩人愛誦之梅我國花也詩蓋爲世局詠者廣其意更成此辭

嶺上梅千樹，雲中鳥一雙，曲江猶自向珠江，南望羊城夕照正蒼涼。各抱忠貞骨，先從冷處香，羅浮天外且翱翔，不是十分花好不還鄉。

清平樂

三十二年一月在永安聞我與英美締平等新約收拾百年世局安得而不喜也燈下寫付諸生歌之

普天同樂，平等成新約，血戰六年吾不弱，桎梏一時除却。並肩共赴疆場，從今盟友相將，試望太平洋上，青天白日旗揚。

浣溪沙

二月將之閩侯道出延平胡子健中與前生長金陵爲總角交渝

城別後始相見於此治具道故悲喜交并燈下聯吟率成三解

一笑相看又劍津，前卅年回首淚盈襟，健海隅猶是未歸人。前竹馬長干前日事，健帷燈南浦故園心，前風塵萍梗共沉吟。健

少日襟期磊落多，健依然鷗舉入吟哦，前書生亦有魯陽戈。健上國旌旗春浩蕩，前

中興鼓吹舞婆娑，健秦淮重見醉顏酡。前

領略閩江嗚咽聲，前人間孤孽鄭延平，健當年喋血此屯兵。前操慮深危今昔異，健

河梁離別死生情，前千秋功罪視燕銘。前

齊天樂

于山謁戚公祠

當門野意暗空闊，神龜羽旗低護，紀效新書，蒞戎要略，猶見登壇風度，親裁奏疏，便無敵名聞，義烏初聚，陣出龍山，果然一戰使倭懼。榕城羈旅劫後，歎亭留醉石

，吳客空慕，飲至何年，白雲在望，春滿婆娑雙樹，歌傳道路，願覓箇封侯，壯懷如故，誓海盟心，莫忘元敬語。

一剪梅

予居榕城吳天亨來談昨歲潮汕敵犯大港時有少年吳漢倫者揭竿起禦號烏參隊漢倫既沒于其兄復爲統率名二烏至今猶虎視海上也天亨請寫詞張其家祠壁上

赤膽忠肝俠少年，憑仗雙肩，憑仗雙拳，孤軍奮起掃狼烟，大港南邊，南隩西邊。兩字烏參海上傳，戰迹昭然，血迹殷然，中流早斷祖生鞭，氣薄雲天，義薄雲天。

念奴嬌

八月十三日感懷用東坡韻寄達雲桂林

那年今日，問將軍眼底跳梁何物，血肉長城東海上，是我銅牆鐵壁，寸土黃金，頭顱甯惜，戰地飄紅雪，大場埋骨。可憐年少英雄。遙想毅魄歸來，無名墓道，戎草芄芄發，不見甌完身早死，不見倭奴摧滅，三峽淹留，兩京未復，白了元戎髮，也應含

恨，吳淞江外殘月。

小重山

因魁北克之會作

獨撫危弦花下吟，羽移宮盡變，不關心，等閒笙簫是同音，花無語，重惜好光陰。
密誓久情深，須知春有脚，去難尋，趁春來去且登臨，流雲遠，冉冉日西沉。

破陣子

飲顧墨三長官祝同明日遂返東戰場詞以爲別

蔣地相逢字水，記曾交臂延平，却敵舊時吳楚地，捲土重來子弟兵，東流江有聲。
聽取虎頭快語，尊前狂殺書生，準擬新詞三百首，明日沙場千里行，鼓鐃歌中興。

玉樓春

癸未重九

門前便是登高處，馬往車來南北路，明知雨過一番晴，起視秋山花滿樹。行人莫把

流年誤，十月繁霜秋更苦，勸花珍重歲寒心，待得春歸枝再舞。

新荷葉

酬實秋

棋子燈花，有人雅舍無眠，並轡中條，等閑過了三年，男兒四十，取功名不算華顛，我行吾素，揚眉坐對樽前。隨處桑田，幾多過眼雲烟，只爲池荷，往時曾託詩篇，韶華如再，久江湖鷗夢都圓，空階負手，景光還待明天。

卜算子

記常德戰役中湯任元副營長語

三十五男兒，合守東關住，一夜雲梯四面攻，誓死心何懼。血濺水星樓，寇自無歸路，彈盡城磚一樣飛，飛向陣中去。

水調歌頭

楊仲子六十再用香宋韻

門外萬人海，於我馬牛風。雨窗深夜欹枕，方寸接鴻濛。道是滄波一粟，括盡須彌一座，狡獪黑頭翁。豈獨擅三絕，彝鼎滿囊中。懷殷契，攜阿黑，訪金農。象牙塔在心上，不在樂園東。歲歲笙簫絲竹，歷歷人間甲子，無色亦無空。冷却故山眼，湖水夕陽鐘。

采桑子

寄懷康東生紹周福州

臘中一泛洪橋棹，客到門前，笑語梅邊，夜半呼盧罷酒筵。豪情可復如當日，苦戰經年，望斷南天，烽火關河落日圓。

菩薩蠻

歿存四首

季鸞手執陳琳筆，兩儀街上初傳檄，仲叟髮如銀，高呼老子軍。
潯南走，異日說三張，齊東語應詳。張熾章 張一塵 張奚若 懸河奚若口，掉臂

蟠胸知有義皇史，生前落墨無多紙，香草祀蚩尤，重逢話汴州。 雄談驚屋瓦，亦是

能言者，筆壘護東南，今年四十三。胡石青 胡健中

飄然日向城中醉，一官未抵閒滋味，意氣老來平，千杯出性情。 魯生長偃蹇，卷舌

爭無辯，舌底有蓮華，男兒莫戀家。羅文幹 羅隆基

長安閱遍公卿相，貧無錐立詩猶壯，心血賀徒嘔，可憐廣不侯。 還思今檢校，落落

多才調，明日過衡廬，狂歌共酒徒。李仙根 李中襄

水龍吟

喜聞達雲報龍陵之捷與達雲桂林分別逾年不圖七星巖下今亦成戰場矣

兩年銷盡詞魂，眼中真短狂生氣，湖南子弟，河南父老，相逢揮淚，幸復松山，騰衝重下，予心稍喜，又傳來捷訊，龍陵落入吾兄手，歡呼起。巖上題名曾記，共相思一江煙水，而今却被殘陽紅濕，埋愁何地，只望旌旗，分師東向，指揮如意，趁櫛湖月色，七星秋好，買三花醉。

鵲踏枝

三十三年十一月十五夜書

伐桂爲薪還折柳，曾幾何時，斧落他人手，爲問吳剛今在否，昂頭欲向天追究。莫道清輝如白晝，雁過衡陽，一去千回首，只怕烏雲遮蔽又，惱人最是三更後。

歸朝歡

喜衡陽守將方先覺脫難歸於時黔南警訊猶急

虎口餘生終不辱，失喜將軍西走蜀，來生再見語何悲，傳諸四海吞聲哭，可憐湘水曲，一時四萬人心目，視江淮英雄本色，未負元戎囑。四十七天新紀錄，戰報徒傷疆土燧，但能明恥即奇男，包羞九世仇當復，勞君重督促，桂邊莫與倭兒牧，使河池殘餘仍在，及早防金筑。

清平樂

紅帶老婦

北碚有老婦三子俱投軍去有殉國者長吏特贈佩紅帶禮敬之

一條紅帶，街口婆常在，爲國忘家吾敬愛，日日徘徊門外。大兒戰死湘東，中兒遠戍關中，去歲小兒十八，荷槍又復從戎。

水龍吟

陶園席上逢黃旭初主席時桂林陷二月旭初大病初起

當時獨秀峯前，斷垣殘瓦今何地，全州鎖鑰，曾無一戰，湖山輕棄，北府深譚，南窗過客，情猶揮涕，况半生心力，使君廿載經營苦，歸流水。前事聊同兒戲，且開樽發吾英氣，云胡避酒，非關衰病，三花難致，卷土還來，明年百色，義旗重起，看盧生醉後，爲公搖筆，寫平西記。

朝中措

齊學啓少將旣殉國其同學友顧一樵爲言君少年志氣及死事甚詳一樵有詩予以詞悼之

仁安羌外戰雲屯，還憶故將軍，獨爲渡河編筏，救傷撫病躬親。文山武穆，平生宗仰，畢竟成仁，他日張忠齊合傳，人間定有奇文。

滿江紅

書中央大學三十週年紀念冊次岳忠武韻

閒話成賢，數往事了無休歇，曾飽聽梵鐘耶讚，緬懷芳烈，櫻口常攜玄武槩，琴心每

貫梅菴月，德風亭南接六朝松，幽情切。老都講，頭如雪，

張士一先生任教三十年矣

新志乘，字

雖滅，又沙坪寄旅，抱持殘缺，魚鹿峽通江漢水，鴛鴦橋織成吳血，

諸生參加青年軍者紛赴鴛鴦橋入

營成律吳光田二烈則願雞鳴風雨趁同舟，還京闕。昔年爲國死難者也

揚州慢

題包達齋塞驢運彈書卷

貂帽綿鞋，步槍灰褐，此翁跋涉千山，儘風塵面皺，有血碧心丹，向長白松花道上，十年遊擊，無改容顏，且牽驢一箇，揚鞭吾又南還。大河戰友，臥空壕星枕霜餐，縱九死奚辭，同仇敵愾，驢亦欣然，背送彈丸來到，投將去火海飛翻，踏挾桑明日，振衣重出榆關。

西江月

敬悼美利堅羅斯福總統

一代巨人其萎，兩洋大戰初開，奇謀妙略貯胸懷，永久和平何在。五十盟邦領袖，古今無二雄才，開羅克米早安排，瞻仰音容不再。

浣溪紗

五月八日夜書三首

暴雨狂風了却春，褐衫梟相驚天神，米蘭乞命汝何人。十萬軍容如泡影，二三子不作降臣，倒懸猶是宰官身。

囊底倫敦探手回，氣吞世界尙驚猜，花旗已出受降台。卅字何曾飛赤塔，一身先自付黃埃，戈林鼠輩本非材。

百戰成功萬骨枯，墨希徒黨盡成俘，裕仁今日亦窮途。勦腹原知俄頃事，反攻苦望自由區，吉城車子滿郊衢。

永遇樂

送陳納德將軍返國用稼軒韻

驅海鞭江，騰雲拿日，天外來處，隊整遙空，簾新堡壘，取次扶搖去，名題十四，威聞世界，吾願健兒長住，七年來坤乾運轉，論功第一飛虎。已饑已溺，蹈湯赴火，難得義無反顧，戰鬥千場，氣吞三島，歷歷航行路，暫時言別，廣陽壩上，響徧鑼鐃鉞鼓，爭相問，明年此地，果重到否。

漁家傲

歌頌原子彈

一彈破空倏胆裂，長崎廣島紛摧折，何物能將時代劃，原子力，五光十色真奇絕。勝利應歸鈾所得，從今減少無辜血，不朽英雄歐海麥，垂史冊，其中祕密何須揭。

點絳脣

八月十日夜聞倭請降

倭已投降，半張號外分明見，相看色變，大字燈前眩。
喜極翻疑，淚滿慈親面，聞
庭院，兒歡女忭，鞭爆聲成片。
皖鄂東川，九年流落真如夢，以前種種，痛定還思痛。
死裏逃生，勝利同歌頌，歡
呼共，一時羣衆，火炬街頭擁。

鷓鴣天

十二日讀第四號號外

聖戰神州語不慚，長崎一彈復何堪，億民玉碎尋常甚，說夢癡人尙阿南。
降表遞，爾心甘，共榮東亞笑奇談，此圈勾却天皇號，九度明朝八一三。

又

十三日書示兒輩

獨霸專橫勢未能，八紘一宇亦何曾，果然聽到金雞叫，落日西沉最下層。終覆滅，
傲驕矜，多行不義力難憑，邦人及早荷桑計，戒懼冰淵若不勝。

中興鼓吹卷四

竹枝

金陵盧 前冀野

檢篋得饒歌殘稿六章猶是旅居漢口時作

慷慨從戎盡少年，軍人魂各繫腰偏，請君莫奏江南弄，聽唱饒歌陣地前。
馬上英英對敵時，歸來蘸血寫歌辭，合爲一手真豪舉，捉住槍枝與筆枝。
打釘要銳必純鋼，是好男兒上戰場，驚動一村小兄弟，今朝歡送我離鄉。
不惜頭顱爭正義，甘捐性命作前驅，閨中少婦相誇耀，都道兒夫大丈夫。
他年好給兒孫說，父祖曾留護國功，不是一番心力換，那能雄立亞洲東。
銅樂由來未有詞，因聲傳字發雄思，詞成早付軍中唱，亦是饒歌亦竹枝。

昭君怨

聞雙槍王八妹事因懷趙洪文國

競道東來盟友，都贊王姑身手，却敵竹雙槍，保家鄉。爲我南人生色，賽過西方貞

德，至竟保家鄉，世無雙。

不爲兒縫軍服，親向沙場馳逐，一杖老關河，趙婆婆。天下皆知侗母，今又名傳王女，史冊寫雙槍，吐光芒。

看花回

玖瑩將度遼予亦待機東歸

嶺外溪山一抹青，舊夢分明，兩年契闊音書少，正不期執手渝城，重逢無別語，還指新醒。鐵馬金戈換太平，至竟收京，來朝迎我秦淮棹，看榆關月照兄行，分飛南北燕，又是離情。

沁園春

城中傳誦毛潤之雪詞亞子君左均有和作予次韻仍詠雪

白雪何辜，黑水纔收，碧血還飄，念無端擁積，予懷耿耿，何時安息，天下滔滔，地割鴻溝，名題雁塔，越是培塿自翳高，朔風裏，祇花飛六出，那算妖嬈。如今夢想

鄰嬌，看萬紫千紅柳舞腰，惜殘梅數點，經霜憔悴，孤松貞挺，顧影蕭條，日落荒江，
柝傳遠戍，大漠盤旋隼與鷗，冬將盡，待蘇回九九，春到明朝。

臨江仙

桃花魚一名降落傘魚蓋水母也共旭初充和詠之

剪取嘉陵波一掬，未曾落盡桃葩，幾分春色供山家，芬芳都不是，朵朵白蓮華。笑
汝揚鬢還嗟喋，玻璃碗裏無他，浮沈空際競紛拿，過江何限鱗，威武孰能誇。

浪淘沙

書丘逢甲嶺雲海日樓集後時述庭將隨陳公洽長官赴台灣卽
送其行

夢寐海中山，何限凋殘，嶺雲大句最辛酸，四百萬人同一哭，別矣台灣。點將昔登
壇，苦戰鄉關，一朝割棄恨無端，五十年前游釣地，今始能還。
赤手斬長鯨，豈媿延平，英雄傳裏竟無名，悵望東南天半壁，已負平生。內渡只吞

聲，天地無情，麻鞋獨自謁明陵，未信卒輸成定局，何計虧盈。

家祭願無忘，遺語心傷，中原北定復南疆，地下有知翁應喜，一統炎黃。天際海蒼蒼，白日輝煌，靈旂黑虎尙飛揚，建座祠堂招毅魄，來享烝嘗。

芳巖記登臨，石鼓山陰，白頭共我兩沈吟，

同游者彭濟羣

隔海相望何所見，峽樹森森。霹

靂涌潮音，萬象更新，經營終仗老成人，定使華嚴樓閣現，嘉惠台民。

一痕沙

初返南京

去日還如昨日，吳蜀原來咫尺，一戰八年多，你知麼。舊是空軍航路，也讓先生來去，遙指雨花臺，我歸來。

念奴嬌

喜姚鏡涵司令過我不相見已二十有三年京畿游擊屢建戰功
索詞贈別

雨中一葉，指神京來覓兒時遊侶，保衛家鄉憑隻手，百戰關山如故，白面書生，八年

戎馬，氣概雄於虎，中華男子，姓名狂虜能舉。絮語少小歡場，積春不一再，擲成虛負，雲水乍親還易別，明日兄歸江浦，寥泝青天，淒涼黃土，長望淮南路，時聞雲霧噩耗驚時戰壘，將軍重建旗鼓。

鷓鴣天

喜嘯天至

開國人豪幾輩流，平居每抱百年憂，袖中尙有匡時略，眼底何人一九州。歸趙璧，補金甌，中興還仗老成謀，風從不必江東士，且喜將軍未白頭。

菩薩蠻

客談碣山趙毓政死事

白雲飛動風難止，丹心碧血垂青史，芒碣亂山中，新添一鬼雄。果然奇女子，自了恩讎事，皓月耿孤心，寒梅萬古吟。

中興鼓吹

七〇

滿江紅

還都

淚眼看天，還都矣。龍蟠虎踞，應慶幸。蔣山無恙，陵園雲樹，百戰居然完大任，八年淪陷民何苦，聽道旁父老，簞壺來，從頭訴。流徽榭，邀笛步，鷄鳴寺，雨花路，盡頽垣敗壁，荒畔廢圃，蒿目瘡痍誰慰藉，饑寒徧地誰安撫，莫歡欣。今日凱歌回，同歌舞。

虞美人

塞上月夜

錦雲簇擁天山雪，一片秦時月，却從盃底說黃河，不道陽關西出故人多。吐番瓜果奇臺酒，一往休回首，可堪直北望伊犂，已是茫茫烟霧正迷離。

浣溪紗

別喀什噶爾

素帕纏頭二尺長，隨身大饅出東邙，玻璃墳墓姓名香。三宿空桑疏附好，一彈胡撥

霸郎狂，始知喀什即天方。

霜天曉角

輪臺

輪台過矣，一瞥三千里，回望沙洲浮翠，層雲上歌聲起。古來邊戍地，枕戈追旅思，今日何分南北，十三族一家耳。

浣溪紗

焉耆寫懷

哈密甜瓜喀什刀，火州到處熟蒲桃，庫車花朵女兒嬌。又向焉耆馳駿馬，未能和碩結蒙包，天山南北路迢迢。

淒涼犯

從庫爾勒還焉耆夜行沙漠中作

七星在北天空闊，奔車暗裏何託，地無寸草，駝多白骨，動心驚魄，征衣正薄，任長

夜飄流大漠，獨行人迢迢萬里，奇遇自開拓。會共諸年少，擲果分瓜，綠洲歡樂，應還笑我，舞婆婆不辭羊酪，信美邊城，也相與重留後約，望焉習漸近，水上月已沒。

摸魚兒

鐵門關道中記那絲爾語

問媧皇情天何歸，人間有恨誰補，鐵門關外迎郎石，當日坐留癡女，凝望處，歎紅淚空啼，一別成辜負，素懷千古，但不少恩讎，分明怨恨，吟薩客能賦。流波碧，孔雀變成飛舞，曾經幾度寒暑，男兒要重千金諾，便教死生相許，君記否，已四海一家，同命心當與，出關東去，看素帕纏頭，繡花滿帽，歡笑盡情侶。

浣溪紗

借蔭國興隆山謁成陵遂至太白泉

無敵金戈一世驚，風雷迅掃兩洲平，至今誰不仰威名。百戰而歸真好漢，相隨江左老書生，興隆來弔大王陵。

太白風流映大千，虬松古柏不知年，且攜短策飲清泉。西北高樓看落日，東南孔雀

化飛仙，纔從鳥嶺到山巔。

水調歌頭

去年中秋與黃達雲有游湖之約其夕雨作達雲過我談至午夜始去不覺又一年矣感成此調步東坡原韻卽寄達雲

賞月已無月，蔽景九重天，故人招游湖上，彈指忽經年，正是天山歸後，暗裏咨嗟不已，斯世別炎寒，桑海感今昔，秋氣有無間。對殘蠟，窗外雨，不成眠，十年未盡離亂，骨肉幾家圓，放眼江淮遼瀕，水火刀兵浩劫，苟活命難全，我爲光明祝，今夜見嬋娟。

大有

去年登高桃葉渡大集成酒家風景猶昨倏又重九至矣用潘希白九日詞原韻

一面鍾山，半灣淮水，是去年今日重九，共登臨當樓景物還舊，雲鬢再把金杯勸，佳

節菜莢相候，數徧地北天南，最難蟹肥花瘦。琴絃斷，將進酒，君不見新亭淚侵衫袖，秋意如何，看取冷蟬髡柳，指點雁行過盡，斜陽裏休休回首，更誰笑落帽風前，行歌醉後。

好事近

三十六年在寒齋守歲有客扣扉抵掌作長談且語且書客去而七詞成不復排次亦不知其爲願望語憤誹語傷感語勉聶語抑祝賀語也聊寫一時心影不足計詞之工拙耳

燒燭影搖紅，搖過今宵除夕，來日又迎元旦，已芳齡三七。少年憂患汝曾經，中年樂能必，安得無災無難，祝年年安吉。

光復舊山河，祇道匈奴已滅，念我百年冤恥，早從頭昭雪。都門前歲始歸來，再見地龜裂，依舊相煎萁豆，是何家豪傑。

枕上夢徒圓，夢醒依然寥廓，孤負十年光景，賸空中樓閣。多情猶有護花人，淚眼看花落，苦望東風庭院，又棠梨紅藥。

屈指好花時，燕子鶯兒蝴蝶，爭向一枝飛繞，掠盈盈春靨。殘年誰共素心梅，松針竹多葉，只有歲寒良伴，在江湄山缺。

我未畢其辭，憤起坐間狂客，新歲一新身手，試人間寬窄。輪拳打破鳳凰籠，趁汝未頭白，好漢從來無畏，見吾儕風格。

客語不會終，卽席重申吾說，惟願歲新行憲，作人民喉舌。譬如今日降新生，胸懷一時熱，從此發揚蹈厲，使同盟心折。客退我濡毫，好事近成盈幅，聊作誓詞而已，願吾儕同勗。迢迢夜盡卽光明，歡迎一窗旭，且看迴環亥子，似貞元相屬。

鷓鴣天

重過鳩江愷鍾同行

扶夢重來話海桑，鳩江宛在水中央，依稀燈火羅家閘，眼底都成瓦礫場。棲道路，載流亡，浮萍斷梗尙陶塘，人間何世今猶昔，十載風塵驗鬢霜。

滿江紅

下關靜海寺三宿巖相傳虞允文破金師歸後駐此

千古龍江，說當日會眠忠肅，掃敵後振衣江上，於焉三宿，南渡朝廷糊紙耳，假茲一戰爲張目，是書生立志要饑餐，胡兒肉。亭已圯，花猶馥，巖尙在，鳴雞觸，感慘勝奚驕，倖何自足，如此棟樑誰夢惜，讓他鷹犬成人物，縱金亡宋豈便能安，看蒙兀。

清平樂

吳曼公夢中得句醒後足成此調遐庵和之予亦繼聲

無情風雨，祇有春難住，淚眼留春成獨語，孤負春光如許。年年開落匆匆，回頭又惜春紅，收拾殘花一瓣，深深藏我心中。

水調歌頭

戊子中秋夜偕叔清可瑞泛舟北湖翫月還都後年年此夕有雨

舊與黃達雲約迄未得踐今達雲在長沙恨是遊之不與共也因
再次坡韻寄之並柬宋蔭國漢口

眼底一湖水，頭上是青天，不看今夜明月，惆悵已三年，難得冰蟾重見，依舊流離道路，依舊徧孤寒，下界滿烽火，地獄在人間。放船處，荷萬柄，客難眠，偶來世外偷息，鷗夢暫時圓，祇惜俊遊舊侶，馳逐湖湘戎馬，歡樂未能全，檣戟當門立，知也對嬋娟。

菩薩蠻

淮舫同沈錫若

年時曾共巴山雨，燈船更向秦淮聚，把酒酬秦淮，人間辨霸才。知君猶處士，運掌徒文字，窗外又瀟瀟，停盃話六朝。

卜算子

自笑一首次稼軒

曾看庾嶺梅，曾跨中條馬，曾過衡陽與洛陽，曾上天山者。筆禿更無毫，硯破空餘

中興鼓吹

七八

瓦，自笑喉乾舌亦疲，今日何爲也。

中興樂

代跋

十五年間回首詞，也曾撚斷吟髭，辛酸處，怕是沒人知。世兒都道邦興矣，歡歌起，勸君須記，吾閣筆是何時。

中興鼓吹

終

潘式伯鷹

往遼瀋變作，失地四省，舉國囂然，謀所以救國無不至，士大夫乃有標榜國難文學者，余讀其辭，類輯錄南宋晚明忠烈士抗節臨命之作，意輒有憾，非謂其不足於忠烈之氣，悲其爲亡國音也，國家今雖危辱，然負地猶東至海，西趨於崑崙，英傑之士，繼前軌，納新流，鷹揚鳳起，上下一心，以光禹域，下焉者猶當列於夏康周宣，何宋明之足數哉？中興之音，充沛而雄，聞之者懦夫有立志，彼哀以思者不得比，顧余獨未聞有人焉，震發高歌，此其所以爲憾者也，金陵盧冀野出樂府一帙，余讀之躍起曰：「在斯矣，遂題之爲中興鼓吹，桐城姚氏不云乎，得於陽與剛之美者，其文如霆，如電，如奔騏驎，如鼓萬勇士而戰之，嗚呼，知此者，可與讀盧子之歌。」

龍沐勛 榆生

治世之音安以樂，亂世之音怨以怒，亡國之音哀以思，於斯三者何居，願以質諸冀野，義與冀野共事暨南，值淞滬戰後，外侮日亟，國勢阽危，思以激揚蹈厲之音振聾聵，期挽頽波於萬一，乃相與鼓吹蘇辛詞派，以爲生丁衰亂之秋，不見怨悱之言，是謂

尸居餘氣，悲憤之音作，相感相應，旁薄充盈乎宇宙間，浩乎沛然而莫之能禦，撥亂世而反之正，意在斯乎，意在斯乎，予既轉徙嶺南，冀野危絃獨撫，逾年相見，所積遂多，題曰中興鼓吹，將以鼓吹中興之業也，哀莫大於心死，而聲音之道恆與政通，有心哉若人，予亦餘勇可賈矣。

任訥中敏

五萬萬人中讀詞有感者，充其量萬之一，感而歎，歎而已者，千萬人，感而憤，憤而待者，千百人，感而憤，憤而作者，三五人耳，雖然，三五人作，而千百人應，千萬人從，斯可以中興矣，於是冀野鼓吹。

林庚白衆難

辛劉雅健，姜張清快，殆兼而有之，沾沾以聲學自喜者流，本是晚近詞匠見解，豈足語於吾冀野之鼓吹。

陳匪石小樹

陳同甫水調歌頭云，曉之都，舜之壤，禹之封，其中應有一箇半箇恥臣戎，劉後郵玉

樓春云，男兒西北有神州，莫滴水西橋畔淚，詞嚴義正，上比春秋，而前乎此者，岳武穆滿江紅云，壯志饑餐胡虜肉，笑談渴飲匈奴血，義憤填膺，目無強虜，使建炎紹興間，人人皆武穆，則中原早復，弱宋無譏，陳劉之詞，可以無作矣，今者蠻夷猾夏，九州蹙蹙，凡爲含生負氣之倫，咸抱敵愾同仇之志，無待同甫目穿，後邨口苦，其言其行，皆與武穆合符，炎黃有靈，安攘可必，盧子冀野中興鼓吹，此物此志也，余受而讀之，爲滿江紅，水調歌頭，木蘭花慢，賀新郎，沁園春，水龍吟，太常引，鷓鴣天，點絳脣，摸魚子，破陣子，百字令，西江月，減字木蘭花，滿庭芳諸作，乾坤正氣，大漢天聲，噴薄而出，恰如人人所欲言，日甯即毋晦，甯樸毋華，井水能歌，老嫗都解，方之於詩，風也，非雅也，方之於樂，饒歌也，非房中也，而冀野謙讓未皇曰雄風託，莫嫌才弱，將我手，寫余心，嗚呼，冀野之手，四萬萬人之心也，風已雄矣，才何弱乎，讀此集者，如徒於休將流水勸棲鴉，明日又天涯，東風日日吹青草，未到清明已斷魂，賞其幽咽，舊時圖畫，倒影寒潭下，十里晴波，水上風來爽氣多，稱其雋永，或於望中應惜西湖好，不作開天亂後看，艇子搖來，始覺江南大可哀，及鷓鴣天第一首，謁金門，鵲躑枝諸闕，以爲直逼稼軒，則仍囿於論詞之常談而未達

天下興亡，匹夫責在之大義也，至冀野以詞曲鳴當世，謹守聲律，尺寸不踰，而此集若不甚留意者，實以鼓吹名篇，異於樂章題集，今日而言，豈同曩時，已於沁園春自揭之矣。

酈承鈐 衡叔

愚自癸酉以還，北之燕都，登景山弔明莊烈帝殉國處，東之青丘，望田橫海上之居，南之思明，訪鄭延平百戰之所，胸中抑塞磊落之意，未嘗不旦夕耿耿，思發之於詩歌，顧未暇以爲耳，丙子歲暮歸省，期吾友盧冀野於滬濱，不值，入都，懷甯潘伯鷹郵贈文一首，則爲冀野作中興鼓吹序也，而冀野亦走訪愚，探懷出全稿，所謂誰知不世凄凉事，又到眼前來者，只重予人間何世之感，雖然，抗聲誦一過，覺向之撐拄吾肝腸而不能自舒者，冀野已爲我吐之矣，烏乎，祖生遂先著鞭，吾黨其可不興起乎，大除前二夕，會冀野及任中敏臺靜農於秦淮酒肆，轟飲大醉，明日晨起，再取讀，因書其後。

讀中興鼓吹

林庚白

陽歷夏四初一日，冀野廬前造我室，手持中興鼓吹稿，乞我卽夕爲甲乙，詞曲與詩君所擅，況用我法十之一，聲名官職兩能兼，蛾眉入門常見嫉，我識冀野性情人，哀梨爽快亦甜蜜，少年頗自負奇氣，殺敵那不騰文筆，近來漢賊多書生，我豈武鄉子秦宓，豐下于思面似孩，無錫泥人差堪匹，見君忽憶蘊頭渚，心逐湖山如有失，冀野冀野好男兒，今有倚聲辛棄疾。

題冀野師中興鼓吹詞集

楊白樺

男兒生世不碌碌，縱橫誰及金陵盧，朝從戎宴罷腸輪轉，更向酒家呼覓二肩酒百壺，莓苔醉倒坦腹復狂笑，爭指團團面孔髭鬚，血戰文壇幾輩在，才名今與天壤俱，欲上青雲飲虹吞白日，眼底蠢蠢公麼胡，新辭鼓吹中興樂，文學誰言屬後車，鏤肝刻腎徒自苦，哦吟使我朱顏癯，檀欒金碧七寶譏，薔薇芍藥女郎吁，燒紅蠶綠花間死，辛劉終不避豪粗，將手寫心何必拘拘牽掛古，作賦安能擬子虛，如此乾坤非曩昔，吁嗟乎，王師九州同有時，倭兒定是游釜魚，五萬萬人唱破陣，矯捷甯止舞巴渝，夏康

周宣何足數，銜壁詭吭張威弧，簫鏡歸朝譜此天聲堂堂之樂府，雄風薄海無時無。

鷓鴣天

李冰若

讀中興鼓吹

七寶樓臺眩目迷，田荒玉老費東菑，誰將慷慨幽并調，淨洗纏綿兒女詞。新窻境，舊文辭，心兵百鍊出雄奇，憑君高唱中興樂，鼓吹光華復旦時。

西江月

成善楷

書中興鼓吹後

舟楫紛紛南北，山河莽莽東西，登臨還與送斜暉，多少秣陵舊事，萬恨皆來眼底，孤忠欲使天知，從今休抱杞人思，一卷中興鼓吹。

臨江仙

陳海天

讀中興鼓吹

掃盡花間綺靡語，起衰猛著先鞭，氣吞蓬島挾幽燕，文章開國運，誰敢在盧前。笑

殺新亭空瀟淚，時危襟若寒蟬，中興旗鼓看君肩，三盞催日落，寰宇淨狼烟。

中興樂

殷芷沅

讀盧翼野中興鼓吹

鼓吹中興調幾多，向誰收拾山河，紅螺畔，慷慨試高歌，醉餘歌歇斜陽匿，南東北，
，竊氣侵逼，抬望眼，感如何。請受長纓勇士多，軍聲掀海奔河，中興樂，待譜凱旋歌。一朝霜淨旄頭匿，看東北，
，漢威遙逼，齊鼓吹，快如何。

滿江紅

江絮生

讀中興鼓吹和岳忠武韻

多難興邦，餘一士吟哦未歇，憂患繁，感君椽筆，鼓吹忠烈，躍馬龍城飛漢將，喧天
蛭隊穿雲月，嬰男兒箇箇樂從軍，笳聲切。慈母淚，征衣雪，兒女訊，音塵滅，拚
裏屍委骨，水涯山缺，平等鐘催侵略夢，自由花溉仇讎血，聽朱顏裙屐唱收京，春城
闕。

木蘭花慢

蕭家霖

讀中興鼓吹贈冀野先生

人生慷慨耳，馬蹄疾劍光飛，任斗酒留連，長歌嘯傲，眼底天低，照人肝膽如鏡，憑一諸談笑死如歸，燕趙古稱多有，而今真箇幾希。從戎十載負如斯，憂國不勝悲，感一代才華，中興鼓吹，血淚淋漓，踏破鐵鞋難覓，大漢魂浩沛更雄奇，明日荷戈北去，仰天一笑誰知。

中興鼓吹曾有下列九種版本

中興鼓吹、

(一)三卷，綫裝袖珍本

漢口版

(二)二卷，平裝，汪辟疆，林庚白

唐圭璋諸家評點本

重慶版

中興鼓吹選

(三)二卷，分題，茹古書局精刻本

成都版

(四)任中敏選，漢民中學針筆珍本

桂林版

(五)任選，增序跋，文通書局印行

貴陽版

中興鼓吹抄：

(六)附抄散曲若干首

永安版

中興鼓吹歌譜：

(七)陸華柏，林於蘅雨化作曲

晉專版

中興鼓吹帖：

(八)沈子善教授選作行書範本

中興鼓吹英譯本：

(九)題名 The drumket og notihneipjugene

譯者爲Gjild M. r. ves及楊憲益

開明版

以上各種皆非全豹，當以此次四卷本南京版爲足本。

